



Caderno da crítica

Cuestionario Proust: Silvia Bardelás

[Ramón Nicolás 3 Marzo 2015](#)

1.– Principal trazo do seu carácter?

– Son unha buscadora.

2.– Que calidade aprecia máis nas persoas?

– Algunhas parecen “certificadas”, saben estar neste mundo.

3.– Que agarda das súas amizades?

– Que sexan amigos.

4.– A súa principal eiva?

– Aquela da que non son consciente.

5.– A súa ocupación favorita?

– Escribir e ler, mirar a paisaxe e botarme a andar.

6.– O seu ideal de felicidade?

– Fun absolutamente feliz unha tempada, sendo adolescente, era anarquista cristiá ou algo así.

7.– Cal sería a súa maior desgraza?

– Non a podo nin nomear.

8.– Que lle gustaría ser?

– A buscadora que son atopando novos puntos de vista sobre a vida.

9.– En que país desexaría vivir?

– En moitísimos e só por tempadas. Arestora en Xapón.

10.– A súa cor favorita?

– As das especias indias.

11. – A flor que máis lle gusta?

– As nosas: camelias, mimosas e hortensias.

12.– O paxaro que prefire?

– Non son moi de paxaros, prefiro os patos.

13.– A súa devoción na prosa?

– Algúns deles: Cervantes, Goethe, Flaubert, Thomas Mann, Solzhenitsyn.

14.– E na poesía?

– Walt Whitman, Uxío Novoneyra, Rilke, Lois Pereiro.

15.– Un libro?

– *Ética* de Spinoza.

16.– Un heroe de ficción?

– O idiota de Dostoievski e Oleg de *Pavillón do cancro* de Solzhenitsyn.

17.– Unha heroína?

– Ningunha. Ese é un buraco enorme na literatura.

18.– A súa música favorita?

– Bach, Mozart, Beethoven, Schubert, Pink Floyd, Michael Jackson, jazz...

19.– Na pintura?

– Pollock, Picasso, Vermeer, Lucio Muñoz...

20.– Un heroe ou heroína na vida real?

– Todo aquel que se mantén íntegro.

21.– O seu nome favorito?

– José.

22.– Que hábito alleo non soporta?

– O de contar os cartos.

23.– O que máis odia?

– O poder.

24.– A figura histórica que máis despreza?

– O tsar Nicolás, por parvo-frívolo.

25.– Un feito militar que admire?

– O desembarco en Normandía.

26.– Que don natural lle gustaría ter?

– Voz.

27. – De que maneira lle gustaría morrer?

– Durmindo.

28.– Cal é o seu estado de ánimo máis habitual?

– Non teño estado de ánimo habitual. Depende do que viva.

29.– Que defectos lle inspiran máis indulxencia?

– Os inconscientes.

30.– Un lema na súa vida?

– Non ter lemas.